

# **Landesbibliothek Oldenburg**

## **Digitalisierung von Drucken**

### **Historia Resurrectionis Christi Secundum Matthæum Explicata, Et Harmonice Cum Narrationibus Reliquorum Evangelistarum Collata ...**

Varios Sermones Iesu Christi Mortuis Resuscitatis, Hierosolymis Cum Suis  
Habitu, ... In Lycem Edita, Consuetudoque Academico Examini Anno  
MDCCXXXV. Die 6. Mensis Maii

**Rusmeyer, Michael Christian Rusmeyer, Michael Christian  
Gryphiswaldiae, [MDCCXXXV?]**

§. III.

**urn:nbn:de:gbv:45:1-9457**

rent, se re vera nuncium, & nuncium verum e cœlis accepisse. Quare vero non dicit mulieribus, ut nuncient discipulis, se ipso hoc die, & vesperi quidem, etiam Hierosolymis eos visurum? Ad hanc quæstionem respondere facile non est; Quis enim mentem atque consilia Domini nobis explicabit, ubi Sacra Scriptura nihil revelat? Certum vero est, Galilæam fuisse manifestationis locum destinatum, Matth. XXVI. 32. Probabile igitur est, id quod Hierosolymis accedit, largioris gratiæ documentum esse, adeoque a Christo non indigitari, ut clanculum & inopinato suos exhilarare posset, medius consistens inter eos, dum iter meditarentur in Galilæam, ad exspectandum ibi Jesum,

## §. III.

**P**ræ aliis LUCAS literis consignavit colloquium satis amplum, quod optimus Salvator cum duobus illis, qui Emauntem ibant, instituit: (a) prolixior autem est in recensendo sermone CLEOPHÆ, itinerisque & habiti colloquii circumstantiis exponendis, quam in conscribendis verbis Christi. (b) Primo narrat, qua ratione Jesus elicuerit sermonem ab ipsis, ita interrogando. (c) *Quinam sunt sermones isti quos invicem miscetis inter ambulandum, & estis tetrici?* Porro commemorat, quomodo, adductis in admirationem, & quodammodo indignationem, animis, qui fiat, ut quid actum sit in diebus hisce nesciat, & inde, de quo loquantur non colligat, percontari perrexerit: *qualia?* (e) Tandem addit, quomodo elicitis animorum cogitatis, sapientissimus Jesus eos redarguerit: *o insipientes (f) & tardi corde (g) ad credendum*



dum omnibus iis, quæ locuti sunt Prophetæ! (h) Nonne hæc oportebat pati Christum, (i) & intrare in gloriam suam? (k) Scribit quoque Evangelista, quod a Mose incipiens per omnes Prophetas iverit, interpretatus ea, quæ de ipso in iis extant vaticinia. Nullum vero locum adducit, quo Christus usus est, multo minus explicationem. (l) Quod optandum videri posset, nisi sapientiæ divinæ aliter visum esset. (m)

(a) Vid. Part. prior. §. IV. (c) sqq. pag. 35. sqq.

(b) Fieri hoc aliter non potuit, quia ipse Christus mentem CLEOPHÆ atque socii sollicite expiscatus est, ut ὀλιγοπτία, proxime ad ἀπιστίαν accedens, eo magis innotesceret, ut eo felicius iis medelam afferre posset, & simul constaret, quanti laboris fuerit, homines incredulos de veritate factæ resurrectionis Jesu convincere.

(c) Luc. XXIV. 17.

(d) Phrasis græca λόγις ἀντιβάλλειν alicujus emphaseos esse videtur, innuens zelum quandam & assiduitatem in sermoncinando, qualis esse solet illorum, qui de re magna inter se conferunt. Αντιβάλλειν proprie est vicissim jacere, ut quum duo pila lusitant; metaphorice est conferre, per objectiones dubiorum scrupulorumque. Vid. EDUARDI LEIGH *Critica Sacra*. Ipsa res talem verborum expositionem poscit. Quis enim dubitet, non sine pio fervore hos ambulatores res gestas contemplatos, deque iis locutos fuisse. Quid? quod Christus inde occasionem ipsos alloquendi arripiat, acsi dicat: *Video, vos summo cum fervore disputare, & de rebus maximi momenti conferre.* Addit autem Christus aliam interrogationis suæ causam, nimirum, quod videat ipsos nimis tristes, & quidem die paschatis, quo omnes Judæi impleti esse solebant gaudio. Utitur vocabulo σκυθεωπός, quod tribuit hypocritis jejunantibus, Phariseis nimirum, infesto hominum generi, Matth. VI. 16. ubi



LUTHERUS in mitiorem partem vertit sauer. Interpretes in designanda vocis hujus significatione non consentiunt. Modo laudatus EDUARD. LEIGH l.c. varios adducit, BEZAM, Vulgatum, JOSEPH. SCALIGERUM, SCULPTUM, LUDOVICUM de DIEU, HEINSIUM & alios. Ipse vero; Vocabulum, inquit, proprie denotat aspectum rabidum fera bestie, ut leonis & ursi, cui catuli sunt surrepti, qui tam torvum & serum intuitum habet, ut non sine terrore possit aspici. Sane non ab ludit hæc vocis significatio a tetricis istis Phariseis, præsertim si istorum jejunia ad decempedam veterum hypocitarum, quos Propheta Iesa. LVIII. 3. 4. describit, metiamur. Quicquid tandem de communi vocis hujus significatu sit, certum est, Christum hoc epitheto designare hominem hypocritam, qui faciendo quæ voluntatis Dei esse putat, torvo suo tetricoque vultu declarat, se non spontaneo, sed servili spiritu agere. Solent quoque hypocritæ studio tristem severumque præ se ferre vultum, ubi servilis cultus id postulare videtur. Christus igitur hoc loco tacite forsitan redarguere voluit CLEOPHAM & socium, quod vultu ad morem Pharisaeum composto incedant, qui sibi tædiosus & molestissimus erat.

(e) Indignationem spirant verba CLEOPHÆ, certe admirationem, quæ tamen ab indignatione proxime abest. Amantes enim ægre ferunt, si quæ sibi curæ sunt cordique, ab aliis negligantur. Deprehendimus igitur in magna imbecillitate fidei summum amoris fervorem, qui admirationem nostram meretur, & testatur de veritate, quod fides per charitatem sit efficax, Gal. V. 6. Christus vero nihilominus percontari pergit: *qualia?* non quod nesciat, sed quod audire cupiat, quid tantopere animum excruciet & distrahat.

(f) Ανόητοι dicuntur, qui infictia Dei rerumque divinarum immersi longissime a Deo & spe vitæ æternæ absunt, Ephes. IV. 18. Tit. III. 3. Correptio igitur durior in hac voce latet, qua ethnici eos comparat, qui luce scripturæ destituti scripta ac vaticinia prophetarum ignorent, ut de iis, quæ aëta sunt cum Christo, judicare nequeant, sed in fluctuationibus suis oberrent.

(g) Uti



(g) Ut vox ἀνόητοι proprie ad intellectum spectat, ita βρεδεῖς τῇ καρδίᾳ dicuntur respectu voluntatis. Ut enim scripta Prophetarum non intelligebant, ita quoque difficillimi erant ad dandum iis, quae in scriptura existare sciebant, assensum.

(h) Prophetas intelligit omnes scriptores Veteris Testamenti. Vid. v. 27. Notanda autem est emphasis in verbis ἐπὶ πᾶσιν, quibus innuit Christus copiam ac multitudinem vaticiniorum.

(i) Ταῦτα refert se ad coīmā superius 20. sensumque hunc fundit: Ea ipsa, quæ adeo torquent animos vestros, quod nimirum vidistis, sacerdotes principesque populi tradidisse Jesum ad supplicium mortis & crucifixissē, a scriptoribus sacris ita fore præscripta sunt, adeoque, si veritas verbis Prophetarum stare debet, necessario ita evenerunt, uti oculis vestris ea conspexitis.

(k) Ex duris gloria, si calamitates fortiter supererentur. Gloriam igitur intelligit reportatæ victoriæ, triumphi, sessiōnis ad dextram Patris regnique cœlestis.

(l) In Mose statim habemus protovangelium illud, Gen. III. 15. Habemus in eo adumbrationes varias, ac præcipue hoc faciunt expiationes per sanguinem factæ. Conf. Hebr. IX. 22. Ne quid dicamus de exemplo ABELIS, Gen. IV. 8. 10. coll. Hebr. XII. 24. deque aliis momentis pluribus. Clariora testimonia exhibent Psalmi ac Prophetæ, Psalm. XXII. 1. sqq. Esa. LIII. 3. sqq. &c. Petrus in genere de Prophetis observat, quod testati sint de passionibus, quæ in Christo sunt, & subsecuturis gloriis; 1. Petr. I. n. Verum uti LUCAS non consignavit loca Scripturæ, quibus Christus usus est, ita nec nostri negotii hic est, ut plura hac de re in medium proferamus.

(m) Scrutati sunt Prophetæ, quæ & qualia tempora Christi Spiritus in ipsis significaret. Multo facilitiore negotio nos scrutari possumus vaticinia post factam eorundem impletionem. Sapientia Dei nimis scriptis onerare nos noluit; Joh. XXI. 25. Ipsa experientia testatur, pro ea, quæ nobis adhæret,



imbecillitate fere nimia esse, quæ Deus nobis in sacris suis literis tradidit. Dolendum vero est, homines non ea, qua pars est, industria scrutandis literis sacratoribus incumbere, eosque, qui docti in iis haberi volunt, saepius ad *ἀλλότρια* se conferre, nucleumque scripturæ, Christum patientem & post passiones glorificatum, negligere. Dolendum quoque est, in hunc usque diem, ubi lux Evangelii subinde clarior evadere, debebat, multas tenebras superesse, quibus obnubilati Jesum non ubique in sacris literis invenire valemus; imo vero dari, qui sub sapientiæ & accurationis prætextu id agunt, ut pauca relinquantur de Jesu paciente & glorificato vaticinia, quæ pro apertis & indubitatis habent. Sapientia vero Dei ita res ordinavit, ut semper habeamus, quod scrutemur sedulo. Scrutemur igitur pro viribus, & hoc modo declaremus, auro quovis atque unionibus cariora nobis esse sacra Biblia.

## §. IV.

**V**enimus nunc ad sermonem, quem primo resurrectionis die cum undecim discipulis, excepto THOMA, miscuit Christus (\*) in quo referendo LUCAS (a) & JOHANNES (b) potissimum (c) suam navarunt operam. Conveniunt hi duo in eo, quod Christus, intrans in cœnaculum salutaverit eos & dixerit: *pax vobis.* (d) Ambo quoque memoriæ prodiderunt, quod exhibuerit eis manus palpandas, in specie lateris etiam meminit JOHANNES, pedum vero LUCAS (e) Solus LUCAS commemorat occasionem factæ hujus manuum, lateris pedumque ostentationis, addens, quod dixerit Jesus: *Quid conturbati estis, & quare cogitationes ascendunt in cor dibus vestris?* (f) *Videte manus meas, & pedes meos: nam ipse ego sum: palpate me & videte:* (\*\*) nam

spirit-

